



Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 4. Desumpta ex cap. 7. & 8. lib. Levit. in quibus describitur lex
Hostiæ pro delicto, pœna comedentis ore pollutô de Hostiis Pacificorum,
lex de Adipe & sanguine. Aaronis solemnis ...

[urn:nbn:de:hbz:466:1-61252](#)

dō se gerit Mater Ecclesia: ut per frequentes Dominicæ Passionis Meditationes ignis amoris divini accenderetur vehementius, accensusque duraret diutius: hinc ipsam patientis imaginem corporeis subducit oculis. S. Petrus Dam. lib. 3. Epist. 18. refert in India reperiri admirandæ virtutis arborem, *Peridiron* illam vocant Incolæ, quæ præter frustum, quem gignit saluberrimam umbram projicit, quô noxii serpentes abiguntur. Arborem hanc quis non dixerit sanctissimam Crucem in corde Christiani hominis per frequentem meditationem passionis Dominicæ radicatam? de hac verificatur illud Cant. 2. v. 3. *Sub umbra illius, quem desideraveram sedi,* & fructus ejus dulcis gutturi meo. ô benedictum lignum, quod dum vitæ es principium, es quoque firma radix amoris divini! ô saluberrima arbor! dum à pectore fidelium abigis serpentem tartareum, exaltas in eo Christum. Paulò antequam Salvator adoratur Passionem suam, in hæc erupit verba Matth. 20. *Ecce! ascendimus Ierosolymam, & filius hominis tradetur ad crucifigendum.* Et mox subjungitur: accessisse matrem filiorum Zebedæi, & sollicitam de illorum promotione primas petuisse sedes. Scio: non paucos SS. Patrum inveniri, qui hanc mulierem vel imprudentiæ vel impudentiæ arguant, attamen persuasus sum, illam hōc factō maximum prudentiæ suæ specimen dedisse, eō quōd gloriam illō prorsus tempore petierit, quō Christus ad summam sui confusionem & mortem ipsam properabat; videtur sententiam confirmare meam S. August. in Psal. 95. hæc scribens: *Filius Dei pro nobis mortuus est: securus esto accepturum vitam ipsius, qui pignus habes mortem ipsius.* Liceat nunc Christianæ Lectori ex hac doctrina Augustini sequelam, nostrò proposito accommodam formare: nempe certius non dari signum amoris divini in corde Christiani latentis, quām frequentem Dominicæ Passionis memoriam; si enim hæc Passio Augustinō teste pignus est æterne vitæ, olim in cœlo obtinendæ, erit hærcle etiam certissimum pignus amoris divini (qui est prægustus vitæ æternæ) in corde Christiani latentis.

Doctrina 4.

Desumpta ex cap. 7. & 8. lib. Levit. in quibus describitur lex Hostie pro dilecto, pœna comedentis ore pollutō de Hostiis Pacificorum, lex de Adipe & sanguine. Aaronis solemnis consecratio & filiorum ejus.


Considera 1. **S**i Deus cum tanta munditie Altari ministrari voluerit, N. 128.
in quo sola offerebantur animalia, farina, incensum &c.
Y 3 quan-

quantam puritatem exigat ab illis, qui assistunt Altari, aut de eo participant, in quo Deus ipse immolatur, & sumitur: & hinc quantam mereantur pœnam, qui debitâ carent puritate? *Heu!* exclamat mellifluus Doctor apud Broymardum Lit. E. cap. 6. quâm temerarium, quamque nefarium est, cruentis manib[us] tractare Virginis filium! quæ mens non rapetur in excessum, ubi mundi pretium mittitur in sterquilinium? non est minus detestabile in os pollutum, quâm in lutum mittere Virginis Filium. Alii peccatores transgrediendô Præcepta Dei se ipsos inquinant, sacrilegè autem trahentes corpus Domini, non solum se ipsos conspurcant, sed etiam ipsum Salvatorem maculare videntur. Quare Paulus Palad. in Matthæum scribens asserere non veretur: aptiorem Deo locum esse ipsum Infernum, si culpæ non essent, quâm domum peccatoris: in Inferno enim Deum existere ut Dominum & vindicem peccatorum; in peccatoris autem pectore detineri ut malefactorem, horrendis afflendum pœnis juxta illud Matthæi 29. *Filius hominis tradetur in manus peccatorum.* Quantam ergo pœnam in suum provocant caput, qui adeò enormiter Christum trahant? anima polluta comedens de carnis Hostia Pacificorum, quæ constabat, ut dixi ex bestiis oblatis, perire debuit versu 20. cit. capit[is], quale ergo supplicium debetur illis, qui corpus Agni immaculati, tollentis peccatum mundi, immundâ conscientiâ lumere præsumpserint? Apostolus 1. Corinth. 11. Indigne communicantem ait, judicium sibi manducare, & bibere. In quæ verba ait Chrysost. judicium sibi manducat, id est: *damnationem.* Sed videtur hæc ipsa sententia nonnihil obscura: quis enim unquam audivit: sceleris cuiusdam reum latam contra se sententiam manducâss[et]? aut illi à Judice, dum damnatur ad supplicium, sterni mensam? inferi dapes? parari potum? in verbis Apostoli latere magnum Mysterium observat celeberrimus ille concionator Segneri Hom. Christ. p. 3. d. 10. Velle inquit Apostolum dicere: quod homo peccatô mortali infectus, dum manducet divinas carnes, sibi ipsam manducet damnationem: quia sicut cibus in stomachum transmissus, paulatim per omnes corporis partes se distribuat, in easque qualitates suas five bonas five malas derivet, quæ vix ullâ ratione, aut vi ab illis separari queant, sic illam sententiam, quâm per modum nutrimenti Sacrilegi isti devoratores deglutiunt, per omnes sensus distribui, omnesque animæ potentias attractu suô & pestilentî contagione inficere; ita ut semper magis magisque talem per infectionem vindictæ divinæ reserven-

serventur. Hoc ipsum evidenti exemplō demonstravit Judas. Hic licet priusquam maledictō ore sumplisset sacratum Domini sui corpus, diabolicæ potestati suberat, utpote furem iam tunc professus; nec tamen adeò plenè ac pacificè fuit ab illo possessus, quam cum sacrilegis faucibūs communicare ausus est. *Post buccellam introivit in eum Sa-
thanas, Joan. 13.* Sed Judæ exemplo addamus aliud multò recentiūs, quod à variis authoribus fusius descriptum, ego sic breviter narro: vixerat Cordubæ vir familie illustris, capitales cum alio fovens inimicitias. Is lethali morbo affectus cùm absolutionem à confessario obtinere non posset, nî coram testibus publicis cum inimico rediret in gratiam, consensit, fictōque actu rogavit veniam, & injuriam remisit vocato ad se adversario. Dein sacrō refectus pabulō oculos in mortem clausit. Nocte autem corporis sepulturam sequentī, duo Ephebi pulsant fores collegii Cordubensis, vocant ad se confessarium defuncti, face praelucente illum deducunt ad sepulturam, & per aper- tam Templi portam deductum, jubent ex Tabernaculo, ad quod reserandum ei clavem dederant, deferre ciborium ad sepulchrum de- functi. Quō ut pervenere, narrant confessario sacrilegam commu- nionem ea de causa factam, quod fictè tantum in gratiam redierit cum inimico. Monstrant proin in patulo ore cadaveris Hostiam, quam sibi in judicium manducaverat, quamque ocios acceptam con- fessarius in ciborio recondit. Tum pede terram pulsant Ephebi, & corpus subito absorbetur à terra, inter stygios tumulandum rogos. His peractis confessarius reducitur ad Collegium ab Ephebis, qui dein- dè videri desiere. P. Gabriel de Viega.

Considera 2. Deum voluisse: ut sacra confecturi aut sumpturi, N. 129. non tantum puritate internā niteant, sed ut niteant etiam externā: hinc Moyses Aaronem filiosque ejus non prius induit sacrī vesti- būs, quam eos ad extra lavisset. c. 8. v. 9. Duabus in partibus signum Dilectionis suæ imponi sibi petit sponsus, in corde videlicet & in bra- chio, asserens Cantic. 8. *Pone me ut signaculum super cor tuum, ut signa-
culum super brachium tuum.* Non videbatur ipsi sufficere affectio interna, nisi probata signis exterioribūs. Laudatur Proverb. 31. provida ma- ter familias non inde solum, quod consercerit linum, sed quod etiam de conficienda lana, exteriori videlicet mundo vestitu & cultu se monstrârit solicitam. Non satis erat, Thren. 1. gemebundæ Ecclesiæ plorasse simpliciter, sed teste Prophetâ dicitur plorans plorasse, & la- crymæ

crymæ in maxillis ejus. Ut juxta Paschaisum: compunctionem perfectam interius, & affluentiam lacrymarum demonstraret exterius, quatenus non minus exterior quam interior homo ad integrum reformatus abluatur. Audi hæc Christiane Lector, qui forsan blandiris tibi de interna animi puritate, per contritionem & confessionem obtenta, non sollicitus de reddendis bonis injustè partis, de malis occasionibus fugiendis, de exsequendis actu externo propositis &c. quæ videantur ad externam puritatem requiri. Ne tamen considerando, quam exacta requiratur mundities, tam in quam externa, inutili diffidentia ab Altari divino removearis: hinc videtur Deus non absque speciali Mysterio in sacra victima homini pectusculum, confidentia symbolum, cedere: Sicut etiam Israëlitæ paschalem agnum sumpturi jubebantur baculos in manibus tenere, quibus inniterentur. Si ergo feceris, quantum in te est: interiora mundandò per veram contritionem, confessionem & efficax propositum, extrinsecis actibus deserendò peccandi occasionses, & alia media, à confessario tibi præscripta applicandò, tunc tolle pectusculum confidentiæ, elevans illud coram Domino, v. 29. cit. capit. & audacter accede: si quid in te residuæ erit macula, depurgabit illud ignis gratiæ, qui egredietur à Domino super Pectus tuum.



FASCICULUS XXI.

Doctrinarum Moralium & Asceticarum.

Doctrina I.

Desumpta ex cap. 10. & 11. lib. Levitici, in quæs desribitur Interitus Nadab & Abiu, lex abstinentia à vino. Lex de mundis vel immundis animalibus.

N. 130. Considera I.

QUOD licet quodvis peccatum grave nos reddat divinò sacrificiò & mensa indignos: omnibus tamen aliis peccatum luxuriæ hoc in passu præponderet;